

UGOVOR O JAVNOJ NABAVCI

Ugovorne strane:

1. KJKP "Vodovod i Kanalizacija" d.o.o. Sarajevo, ul. Jaroslava Černija br. 8., Sarajevo, koga zastupa v.d. direktor Aida Pendek, dipl. ing. građ. (u daljem tekstu: Kupac)

i

2. Mikro+Polo d.o.o. Sarajevo, vl. Pijačna 14 K, 71000 Sarajevo koga zastupa direktor Završnik Miha (u daljem tekstu: Prodavac).

Član 1.

Predmet ovog ugovora je nabavka roba: „**UV-VIS Spektrofotometar**“ (predmetna nabavka je planirana u Planu javnih nabavki za 2020. godinu pod rednim brojem 205.) a sve prema tenderskoj dokumentaciji br. 110/20 i usvojenoj ponudi broj: 03-4-217-2/20 od 30.11.2020. godine, koja je sastavni dio ovog ugovora.

Član 2.

Ugovorna vrijednost robe iz člana 1. ovog ugovora bez uključenog PDV-a iznosi: 19.000,00 KM (slovima: devetnaest hiljada KM).

Iskazana cijena u ponudi bez PDV-a sadrži sve naknade koje Kupac treba platiti Prodavcu (pakovanje, transport, carine, takse, osiguranje kao i druge dažbine date na paritetu FCO skladište Kupca u Sarajevu).

Kupac ne smije imati nikakve dodatne troškove po isporučenoj robi osim onih koji su navedeni u obrascu za cijenu ponude.

Ugovorena cijena je fiksna i ne podliježe bilo kojim izmjenama.

Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Prodavac se obavezuje da će uz isporučenu robu iz tehničke specifikacije dostaviti :

- garantni list sa grantnim uslovima
- izvršiti instalaciju UV-VIS spektrofotometra
- izvršiti edukaciju uposlenika uz izdavanje certifikat/potvrda o završenoj edukaciji

Član 4.

Prodavac će predmetnu robu isporučiti u prostorije KJKP „Vodovod i Kanalizacija“ d.o.o. Sarajevo, Služba za sanitarni nadzor i kontrolu kvaliteta vode-Laboratorija za kontrolu kvaliteta vode ul. Jaroslava Černija 8, Sarajevo, a u roku 60 dana od dana prijema narudžbenice.

Prilikom isporuke robe u otpremnici, pored iskazane količine, potrebno je obavezno navesti i usvojene jedinične cijene iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički.

Član 5.

Zapisnik iz člana 4. ovog ugovora je osnov za plaćanje ugovorne cijene.

Član 6.

Način i uslovi plaćanja su: u roku od 60 dana od dana ispostavljanja fakture, na transakcijski račun Prodavca broj: 1610000087810037 kod Raiffeisen bank dd Sarajevo banke.

Član 7.

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

Član 8.

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

Član 9.

Robe koje su predmet ovog Ugovora moraju biti u skladu sa kvalitetom naznačenim u usvojenoj ponudi.

Prodavac se obavezuje da će robu sa oštećenjima isključiti iz isporuke.

Prodavac daje mogućnost reklamacije na kvalitet po preuzimanje robe, ako isti laboratorijskim testom ne bude potvrđen.

Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamjeniti sa novom.

Dužina trajanja garancije na isporučenu robu iznosi minimalno 12 mjeseci od dana instalacije.

Garancija na isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju.

Član 10.

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

Član 11.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 12.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu robu u vremenskom periodu određenom u ugovoru;

- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuni obavezu plaćanja, kako je definisano u članu 6. ovog ugovora.

Član 13.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, kao i ostali propisi koji regulišu predmetnu materiju a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

Član 14.

Ugovor se zaključuje na period od 3 mjeseca a stupa na snagu kada ga potpišu obje ugovorne strane i traje do utroška finansijskih sredstava po ovom ugovoru odnosno do isteka perioda na koji je zaključen.

Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Za Prodavca:

Za Kupca:

v.d. Izvršni direktor

Almir Pamuk, dipl.oec.

Direktor

mitko+polo
ZAFERIZOVANJE I PROMET USLUGAMA d.o.o.
ZAVRSNIK MIHA

Završnik Miha

v.d.Direktor

Aida Pendek, dipl. ing. građ.

BROJ: 03-4-217-3/20

BROJ: 122/21

DATUM: 26.02.2021.

DATUM: 23.02.2021.